



Republic of the Philippines
Province of Davao del Norte
MUNICIPALITY OF KAPALONG
-0000000-

OFFICE OF THE MUNICIPAL MAYOR

EXECUTIVE ORDER NO. 01

Series of 2021

MANDO NGA NAG DEKLARA NGA ANG LUNGSOD SA KAPALONG, PROBINSYA SA DAVAO DEL NORTE MOPAILAWOM SA GENERAL COMMUNITY QUARANTINE (GCQ) SUGOD ENERO 8, 2021 HANGTUD ENERO 31, 2021

Samtang, subay sa gipakanaog nga Executive Order No. 71, series of 2021 sa Probinsyal nga Panggamhanan sa Davao del Norte nga ang tibuok Probinsya ipailawom sa General Community Quarantine (GCQ) hangtud Enero 31, 2021;

Samtang, sa datos nga gipagawas sa Municipal Health Office petsa Enero 4, 2021, adunay 67 nga active cases sa COVID-19 ug padayon ang ginahimo nga contact tracing sa mga close contacts sa mga nag positibo sa sakit;

Samtang, ang Incident Management Team (IMT) for COVID-19 Kapalong, atol sa meeting niadtong Enero 4, 2021, nag pagawas ug rekomendasyon, nga ipailawom sa General Community Quarantine (GCQ) ang tibook lungsod sa Kapalong subay usab sa gipagawas nga Executive Order sa Probinsyal nga Panggamhanan sa Davao del Norte;

Samtang, aron malikayan ang pagkuyanap sa virus, adunay mga giya nga ipatuman aron sa plastar nga implementasyon sa General Community Quarantine (GCQ) sugod Enero 8, 2021 hangtod Enero 31, 2021;

Busa, Ako **MARIA THERESA R. TIMBOL**, Mayor sa Lungsod sa Kapalong, pinaagi sa gihatag nga gahom kanako isip Local Chief Executive niining lungsod, ug subay sa rekomendasyon sa IMT COVID-19 Kapalong, mopatuman sa mga mosunod:



2nd Floor, Executive Building, LGU Compound

Maniki, Kapalong, Davao del Norte

Contact Number 0917-104-3432

Website: www.kapalong.org



[www.facebook/kapalonginfohub](https://www.facebook.com/kapalonginfohub)





OFFICE OF THE MUNICIPAL MAYOR

SECTION 1: Deklarasyon: Ang Lungsod sa Kapalong padayon nga ipailawom sa General Community Quarantine (GCQ) sugod Enero 8, 2021 hangtud Enero 31, 2021.

SECTION 2: Polisiya ug Giya :

1. Istrikhong ipatuman ang mando sa kanunay nga pagsul-ob ug facemask kung anaa sa mga pampublikong lugar, pag-gamit ug alcohol, temperature check, ug pag-oberbar sa pisikal nga distansya nga usa ka metro matag usa;
2. Hugot nga ipatuman ang pag gamit sa Quick Response(QR) Code sa tanan residente sa lungsod sa Kapalong ingon man usab ang tanan nga establisamento, tindahan, public and private institutions, aron dali ang contact tracing kon adunay mag positibo sa COVID-19;
3. Ang curfew hours magsugod sa alas nuwebe sa gabie hangtod alas singko sa buntag (9:00 P.M. to 5:00 A.M.) sugod Enero 8 hangtud Enero 31, 2021. Dili sakop sa curfew ang mga miyembro sa IATF/ COVID-19 crisis management and response team, emergency vehicles, health workers ug mga delivery sa essential goods.
4. Ipatuman ang 24 hours curfew sa minor de edad 17-years old paubos ug sa senior citizen/elderly nga nag edad ug 66-years old pataas, apan kon adunay importanteng paliton, isugo lamang sa membro sa pamilya nga dili menor de edad;
5. Exempted sa maong curfew ang mga establisamento nga gabaligya ug tambal(pharmacy) nga ga-abre sulod sa baynte-kwatro oras;



2nd Floor, Executive Building, LGU Compound

Maniki, Kapalong, Davao del Norte

Contact Number 0917-104-3432

Website: www.kapalong.org



[www.facebook/kapalonginfohub](https://www.facebook.com/kapalonginfohub)





OFFICE OF THE MUNICIPAL MAYOR

6. **Tugtan nga mag abre ang Internet Café apan hugot nga e implementar ang public health protocols** sama sa pagbutang ug foothbath, kanunay nga magdisinfect sa lugar, adunay ipahigayon nga QR Code scanning, 50% sa total computer units lamang ang gamiton aron adunay pisikal nga distansya ang matag-usa, abli kini taman lamang sa curfew hours. Ang Business Monitoring Team ug PNP Kapalong sa kanunay maoy gitahasan nga mag monitor sa tanang Internet Café kon gituman ang maong protocols;
7. **Pagatugtan ang videokehan pero sa Private Residence lamang**, ang pag gamit niini taman ra usab sa gitakda nga curfew (9:00 P.M.) ug hugot nga ginadili kini sa pampublikong lugar;
8. **Padayon nga mag-abli ang Kapalong Riverwalk taman sa curfew hours**. Ang tanan commercial stalls motuman usab sa health protocols sama sa pagbutang ug foothbath, regular nga pag disinfect sa tindahan, pag gamit ug disposable cups, spoon and fork, gamiton ang lapad nga lugar aron sa pag-plastar sa mga lamesa ug kanunay nga ipatuman ang proper waste segregation sa mga basura;
9. **Temporaryong ginadili ang public events and performances sama sa Zumba, live bands og ubang entertainment sa pampublikong lugar**;
10. **Ginadili nga mag abre ang Massage Parlor** tungod kay aduna silay close contact sa ilang mga kliyente;
11. **Ginadili usab ang sports nga adunay close contact sa mga players sama sa Basketball, Volleyball ug Billiard** aron malikayan ang pagkuyanap sa virus apan tugotan ang ehersisyo sama sa walking, cycling, jogging, running ug ubang non-contact sports pero kinahanglan nga mosunod sa public health protocols sama sa pagsul-ob ug facemasks, pisikal nga distansya, ug kanunay nga pag disinfect;



2nd Floor, Executive Building, LGU Compound

Maniki, Kapalong, Davao del Norte

Contact Number 0917-104-3432

Website: www.kapalong.org



[www.facebook/kapalonginfohub](https://www.facebook.com/kapalonginfohub)





OFFICE OF THE MUNICIPAL MAYOR

12. Pagatugtan ang **Religious activities** apan pabilin nga **50% lamang sa seating capacity ug estriktong magpatuman sa Public Health Protocols** sama sa pag gamit ug disinfectants sama sa hand sanitizers, alcohol, pagbutang ug footbath, adunay usa ka entrance ug usa ka exit lamang, pagsul-ob ug facemask ug pag obserbar sa pisikal o social distancing sulod sa simbahan ug kinahanglan nga **magpahigayon ug QR Code Scanning**;
13. Tugtan ang pagpamalit sa ilimnong bino gikan alas nwebe sa buntag hangtud ala singko sa hapon (9:00am- 5:00pm). Dili pwede nga sugoon pagpamalit ug ilimnong makahubog ang menor de edad. Kon adunay masakpan nga menor de edad, ang nagsugo ang manubag sa balaod;
14. Ang **mass gatherings** og pribadong tapok-tapok sama sa birthday, bunyag, kasal, reunion ug uban pang tapok, pagatugtan apan kinahanglan nga **30% sa venue capacity lamang ug limited kini sa family members**. Hugot usab nga e implementar ang pag-gamit sa **QR Code Scanner sa maong tapok-tapok** ug kinahanglan nga magsul-ob ug facemask ug e mintenar ang social/ pisikal nga distansya;
15. Ipatuman usab nga **25 ka tao lamang o "family members only"** sa tanang punerarya, pampubliko ug pribadong sementeryo sa pagpahigayon ug lamay ug lubong. Ang **lamay tugutang ipahigayon sulod lamang sa lima (5) ka adlaw ug hugot nga ginadili ang sugal sa haya**;
16. Magpabiling ginadili ang tanang klase sa sugal ug pagbiyahe ug mga manok panabong sulod sa lungsod.
17. Hugot nga ge-discourage ang pag gawas sulod sa Davao del Norte nga walay importanteng tuyo. Ang mga residente sa Kapalong gikan sa High Risk Areas outside Davao del Norte nga mouli sa lungsod, ma-tag as traveler sa QR Code system ug mopa-ilawom sa 14 days home quarantine. Samtang ang mga residente gikan sa mga low risk areas ma-tag usab kini as traveler ug kinahanglan nga mag home quarantine sulod sa 7 days. Sa mga naga trabaho gawas niining probinsya gina-awhag nga mo-uli ka-usa sa isa ka bulan lamang, ug kinahanglan nga dili mag gawas-gawas sa panimalay samtang anaa pa sila sa ilang lugar o panimalay;



2nd Floor, Executive Building, LGU Compound

Maniki, Kapalong, Davao del Norte

Contact Number 0917-104-3432

Website: www.kapalong.org



www.facebook.com/kapalonginfohub





OFFICE OF THE MUNICIPAL MAYOR

18. **Padayon ang hugot nga pag monitor sa tanang establisamento labi na ang mga commercial establishments o tindahan sulod sa lungsod nga kanunay e implementar ang Public Health Protocols**, sama sa pag gamit ug disinfectants, hand sanitizers, alcohol, pagbutang ug footbath, adunay usa ka entrance ug usa ka exit lamang, pagsul-ob ug facemask sa tanan trabahante ug pag obserbar sa pisikal o social distancing ug **pagmuntar ug QR Code Scanner aron ma scan ang tanang mosulod nga customers;**

SECTION 3. Maintenance and Cleanliness. Gi-awhag ang tanang katawhan sa Kapalong sa paglimpyo sa matag panimalay ug palibot sa makanunayon aron mapadayon ug mentenar ang kalimpyo sa palibot sa tibook lungsod. Ginadid-an usab ang pagpangluwa/ sikma sa mga pampublikong lugar.


SECTION 4: Monitoring Team. Ang Business Monitoring Team kauban ang Kapalong Municipal Police Station, maoy gitahasan sa pag-monitor sa tanang establisamento sulod sa Lungsod sa Kapalong, nga magpatuman sa mga Public Health Protocols ilabina sa Brgy. Maniki, diin nahimutang ang sentro sa negosyo sa lungsod.

SECTION 5: Separability Clause. Kon adunay probisyon niining Executive Order nga gedeklara nga invalid, ang ubang probisyon niini magpabilin nga valid o subsisting. Ang mga probisyon o giya sa nahiunang mando nga dili haom niining bag-ong Executive Order, mamahimong invalid sugod sa effectivity niini.

SECTION 6. Penalty Clause. Ang adunay pagpanglapas sa mga probisyon niining Executive Order mamahimong pahamtangan sa penalty o silot basi sa nagpadayong implementasyon sa National nga mga pamalaod o regulasyon sa lungsod.

SECTION 7. Kini nga Executive Order ipatuman sugod 12:01 AM Enero 8 hangtud Enero 31, 2021.

Gipirmahan sa petsa 6 sa Enero, 2021 sa Maniki, Kapalong, Davao del Norte, Philippines.


MARIA THERESA R. TIMBOL
Municipal Mayor



2nd Floor, Executive Building, LGU Compound
Maniki, Kapalong, Davao del Norte
Contact Number 0917-104-3432



Website: www.kapalong.org
www.facebook.com/kapalonginfohub

